

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第一八冊

地方志人物傳記資料叢刊

國

家

圖

書

館

編

北京圖書館出版社

第十八目錄

(光緒)益都縣圖志

官師志	一
選舉志	八九
人物志	二四九

(民國)壽光縣志

人物志	四八五
事功	
孝義	五〇七
儒行	五三六

文苑	五五五
忠烈	五六九
高尚	五七四
方技	五七八
列女	五八三
封增表	六六一
蔭襲表	六六五
耆壽表	六六六

(民國)冠縣志

職官志	六七五
選舉志	七〇〇
人物志	七二七
碑銘	八一六

官師志一

職官有表名宦有傳史志之舊例也第表紀姓名事蹟不著傳詳卓異挂漏實多欲省翻閱之勞莫若裁歸一體此武功舊志所以特紀官師也茲編根據史志參以金石事蹟可考者必詳書其顛末事蹟無傳者亦謹載其姓名既省繁複亦寓勸懲若夫拾遺補闕以俟後之君子

補

辟閭渾太元十七年夏四月齊國內史蔣謁據州反北平原太守辟閭渾討平之以渾爲龍驤將軍幽州刺史鎮廣固隆安三年城陷被殺見孝武帝本紀及地理志通鑑

右晉幽州刺史一人

益都縣圖志

卷十五 官師志一

羊穆之義熙六年劉裕破南燕夷廣固城以穆之爲刺史築

東陽城居之

見地理志及通鑑

羊暨青州刺史暨牛產犢及遷以官舍所生遺之而去見曹

紀晉

右晉青州刺史二人

劉敬宣字萬壽彭城人義熙間授北青州刺史後爲其下所

殺見宋書本傳

向靖字奉仁河內山陽人義熙十二年遷督北青州諸軍事

北青州刺史

見宋書本傳

右晉北青州刺史二人

申承魏郡魏人歷青兗二州刺史

見宋書申恬傳

司馬恬河內溫人休之父爲司馬昌明鎮北將軍青兗二州刺史見魏書司馬休之傳

右晉青兗二州刺史二人

崔誕隆安三年南燕王德遣使說幽州刺史辟閭渾欲下之渾不從德遣北地王鍾帥步騎二萬擊之北地王鍾傳檄青州諸軍諭以禍福辟閭渾徙八千餘家入守廣固還司馬崔誕戍薄荀固平原太守張豁戍柳泉誕豁承檄皆降於德見通鑑

右晉司馬一人

劉昶平原人懷珍祖爲青州治中見南齊書劉懷珍傳

右晉治中一人

益都縣圖志

卷十五 官師志一

張瑛幽薊人爲幽州刺史辟閭渾參軍爲南燕主德所擒不

屈而死見十六國春秋南燕錄

司馬道賜宗室賤屬也爲劉敬宣參軍與同府辟閭道秀及

左右小將王猛子等謀反道賜自號齊王以道秀爲青州刺

史猛子殺敬宣文武佐吏卽討道賜猛子等皆斬之見宋書劉敬宣傳

右晉參軍二人

劉義欣長沙景王道憐子永初元年爲青州刺史見宋書武帝本紀及

長沙景王追諡傳

竺夔東莞人青州刺史永初三年鎮東陽城景平元年魏叔

孫建入臨淄所向城邑皆潰竺夔聚民保東陽城其不入城

者使各依據山險芟夷禾稼魏軍至無所得食濟南太守垣
苗帥眾依夔叔孫建將三萬騎逼東陽城中文武纔一千
五百人竺夔垣苗悉力固守時出奇兵擊魏破之魏步騎繞
城列陣十餘里大治攻具夔作四重堙魏人填其三重為撞
車以攻城夔遣人從地道中出以大麻絙挽之令折魏人復
作長圍進攻愈急歷時寢久城轉墮壞戰士多死傷餘眾困
乏旦暮且陷檀道濟救之叔孫建攻東陽墮其北城三十許
步時天暑魏軍多疫道濟軍於臨朐建等燒營及器械而遁
道濟至東陽糧盡不能追竺夔以東陽城壞不可守移鎮不
其城見通鑑

蕭思話南蘭陵人元嘉三年十二月為青州刺史五年遷中

益都縣志卷十五 官師志一

三

書侍郎仍督青州徐州之東莞諸軍事振威將軍青州刺史

八年索虜南寇檀道濟北伐既而迴師思話懼虜大至乃棄

鎮奔平昌思話先使參軍劉振之戍下邳聞思話奔亦委城

走虜定不至而東陽積聚已為百姓所焚由是徵下廷尉仍

繫尚方見宋書本傳及文帝本紀

韋朗元嘉八年由北平司馬為青州刺史見宋書文

帝本紀
宣魏郡魏人元嘉九年六月由左軍諮議參軍為青州刺

史見宋書文帝本紀及申恬傳

崔謐清河人元嘉中官至青州刺史見宋書申恬傳

申恬字公休宣子元嘉初歷充青二州刺史元嘉二十七年

索虜南寇其武昌王向青州遣恬援東陽因與輔國司馬齊

郡太守顧秀之保城固守蕭斌遣青州別駕解榮之率垣護
之還援恬等仍傍南山得入賊朝來脅城日晚輒退城內乃
出車北門外環堙為營欲挑戰賊不敢逼世祖踐祚遷青州
刺史齊地連歲興兵百姓彫敝恬初防衛邊境勸課農桑二
三年間遂皆優實性清約頻處州郡妻子不免飢寒世以此
稱之見宋書本紀

沈文秀字仲遠吳興武康人景和元年為青州刺史泰始二

年叛三年歸命請罪即安本任五年城陷被執於魏見宋書本傳及

明帝

明僧暲平原鬲人泰始二年四月由散騎常侍為青州刺史

見宋書明帝本紀

益都縣志卷十五 官師志一

四

右宋青州刺史九人

段宏元嘉十年正月為青州刺史四月加冀州刺史見宋書文帝本紀

紀
王方俳元嘉十五年八月由兗州刺史為青冀二州刺史見宋書文帝本紀

書文帝本紀
杜驥字度世京兆杜陵人元嘉十七年為青冀二州刺史二

十四年徵左軍將軍兄坦代為刺史驥在位八年惠化著於

齊土為吏民所稱詠見宋書本傳及文帝本紀

杜坦驥兄元嘉二十三年七月由散騎常侍為青州刺史明

年四月加冀州刺史見宋書文帝本紀

蕭斌元嘉二十七年六月由侍中為青冀二州刺史明年坐

滑臺敗免官見宋書文帝本紀及蕭思話傳

劉興祖元嘉二十八年由振威將軍秦郡太守爲青冀二州刺史見宋書文帝本紀

王元謨字彥德太原祁人孝建二年八月爲青冀二州刺史見宋書文帝本紀

十月改雖州刺史見宋書文帝本紀

右宋青冀二州刺史七人

房叔安字子仁清河人性忠正刺史王元龜欲北通魏叔安

進諫曰夫布衣韋帶之士銜一餐而不忘義使之然也今將

軍居方州之重託君臣之義無故舉忠孝而棄之三齊之士

甯蹈東海死耳不敢隨將軍也元龜意乃定見南史王元龜傳

房天榮者清河人滑稽多智先爲青州別駕刺史沈文秀拔

益都縣圖志卷十五 官師志一 五

爲長史督齊郡州府之事一以委之後隨文秀陷於魏見魏書沈文秀傳

文秀

右宋青州長史二人

車宗爲青州刺史竺夔司馬景平元年東陽城爲索虜所困

竺夔夜遣宗領五百人出城掩擊虜眾披退見宋書索虜傳

夏侯祖歡爲青冀二州刺史杜驥司馬元嘉二十三年魏人

攻冀州刺史申恬於厯城杜驥祖歡等將兵救之見通鑑

房元慶宋書沈文秀傳作文慶清河人爲沈文秀青州建威府司馬劉

瑒之殺子業自立也子業弟子勛起兵攻之文秀遣其將劉

珍之率兵助瑒後背瑒歸於子勛元慶不同爲文秀所害見魏書房法壽傳

書房法壽傳

沈嵩文秀族子聰敏有筆札文秀以爲司馬甚器任之見魏書沈嵩傳

右宋青州司馬四人

崔目連邑人原籍清河東武城元嘉十九年以前青州別駕

隨建威將軍沈慶之伐沔北諸山蠻見宋書沈慶之傳

解榮之元嘉二十七年爲青州別駕見宋書申恬傳

右宋青州別駕二人

崔道固字季堅目連異母弟美形容善舉止便弓馬好武事

初爲青州主簿尋轉治中見魏書崔元伯傳

封靈祐渤海蓀人仕劉義隆爲青州治中慕容白曜平三齊

靈祐率二百人詣降見魏書封懿傳

益都縣圖志卷十五 官師志一 六

劉善明平原人父懷民宋世爲齊北海二郡太守元嘉末青

州飢荒人相食善明家有積粟躬食餽粥開倉以救鄉里多

獲全濟百姓呼其家田爲續命田年四十刺史劉道隆辟爲

治中從事見南齊書本傳

右宋治中三人

賈元龍爲青州參軍景平元年索虜日分步騎逼東陽城刺

史竺夔夜使元龍等領百人於陽水口兩岸設伏虜將阿伏

斤領三百人晨渡水兩岸伏發虜騎四迸殺傷數十人梟阿

伏斤首見宋書索虜傳

閻茂爲青州參軍景平元年索虜圍青州刺史竺夔遣人出

城作東西南塹虜於城北三百餘步鑿長圍夔遣閻茂等領

善射五十人依牆射虜虜騎數百馳來圍牆牆內納射固結

見宋書索隱傳

死戰虜下馬步進短兵接城上弓弩齊發虜乃披散

劉振之爲青州參軍元嘉八年索虜南寇刺史蕭思話使振

之成下邳委城走

見宋書蕭思話傳

傅融爲青州參軍元嘉間與將軍崔猛分取樂安

見宋書蕭思話傳

房崇吉清河繹幕人少驍勇爲沈文秀中兵參軍

見魏書房法壽傳

右宋參軍五人

劉懷珍字道玉平原人幼隨伯父奉伯至壽陽豫州刺史趙

伯符出獵百姓聚觀懷珍獨避不視奉伯異之曰此兒方興

吾家本州辟主簿

見南史本傳

袁宣陳郡項人爲沈文秀府主簿

見北史袁翻傳

益都縣圖志卷十五 官師志一

七

右宋青州主簿二人

張幸清河東武城人慕容超東牟太守後率戶歸國世祖嘉

之賜爵平陸侯拜平遠將軍青州刺史

見魏書張彝傳

慕容白曜鮮卑人皇興初加白曜使持節都督諸軍事征南

大將軍上黨公屯於碣磔先是劉彧青州刺史沈文秀遣使

內附旣而彧遣招慰復歸於彧平東將軍長孫陵甯東將軍

尉眷東討青州陵等旣至青州沈文秀遣使請降軍人入其

西郭頗有采掠文秀悔之遂嬰城拒守白曜雖在軍旅而接

待人物寬和有禮進討東陽冬入其西郭三年春克東陽擒

沈文秀凡獲倉粟八十五萬斛米三千斛弓九千張箭十八

萬八千刀二萬二千四百甲胄各三千三百銅五千斤錢十

五萬城內戶八千六百口四萬一千吳蠻戶三百餘始末三

年築圍攻擊日日交兵雖士卒死傷無多怨叛督上土人租

絹以爲軍資不至侵苦三齊欣然安堵樂業克城之日以沈

文秀抗倨不爲之拜忿而捶撻惟以此見譏以功拜使持節

都督青齊東徐州諸軍事開府儀同三司青州刺史

見魏書本傳

酈範字世則范陽涿鹿人征南大將軍慕容白曜南征範爲

司馬謀畫多奇中白曜旣平齊遂表範爲青州刺史以撫新

民

見魏書本傳

韓頤爲青州刺史顯祖時有東萊人王道翼少有絕俗之志

隱韓信山四十餘年斷粟食麥通達經章書符籙顯祖聞而

召焉頤遣使就山徵之

見魏書釋老志

益都縣圖志卷十五 官師志一

八

李惠中山人長於思察爲開府儀同三司青州刺史惠政有

美績

見魏書本傳

元天琚襲封牂柯公高祖時征虜將軍青州刺史

見魏書陽平王熙傳

公孫邃燕郡廣陽人爲使持節安東將軍青州刺史太和十

九年卒於官

見魏書公孫表傳

元羽字叔翻廣陵王太和十九年爲征東大將軍開府儀同

三司青州刺史

見魏書本傳及高祖紀

侯文和高祖時爲青州刺史以巧問爲要舟水中立射滑稽

多智辭說無端尤善淺俗委巷之語

見魏書蔣少游傳

韓秀字白虎昌黎人太和初遷內侍長後爲平東將軍青州

刺史在州數年卒

見魏書本傳

裴思賢河東聞喜人為青州刺史見北史裴果傳

元安壽高祖賜名頤新成子襲封陽平王為青州刺史景明

元年卒於州見魏書陽平王新成傳

元鸞字宣明長壽次子襲封城陽王身長八尺腰帶十圍以

武藝著稱世宗初除平東將軍青州刺史見魏書城陽王長壽傳

郭祚字季祐太原晉陽人轉鎮東將軍青州刺史祚逢歲不

稔闔境飢弊矜傷愛下多所振卹雖斷決淹留號為煩緩然

士女懷其德澤見北史本傳

劉芳字伯父彭城人幼隨伯母房逃竄青州後入梁鄒城募

容白曜南討青齊梁鄒降芳北徙為平齊民除安東將軍青

州刺史為政儒緩不能禁止姦盜廉清寡欲無犯公私見魏書本傳

益都縣圖志卷十五 官師志一

九

陸昕之字慶始代人風望端雅景明中除青州刺史在州著

寬平之稱見魏書陸侯傳

高植渤海蓀人初為濟州刺史後歷青相朔恆四州刺史皆

清能著稱當時號為良刺史見魏書高瑩傳

鄭道昭字儋伯榮陽開封人少而好學綜覽羣言出為平東

將軍青州刺史在州政務寬厚不任威刑為吏民所愛見魏書鄭義傳

元繼字世仁襲封江陽王世宗時除征虜將軍青州刺史繼

在青州之日民飢餒為家僮妾民女為婦妾又以良人為婢

為御史所彈坐免官爵見魏書京兆王黎傳

元融字永興襲封章武王儀貌壯麗衣冠甚偉性通率有豪

氣熙平初除平東將軍青州刺史見魏書章武王太洛傳

崔休字惠盛清河人肅宗初除平北將軍幽州刺史遷安東

將軍青州刺史青州九郡民單剽李伯微劉通等一千人上

書頌休德政靈太后善之休在幽青州五六年皆清白愛民

甚著聲績二州懷其德澤百姓追思之見魏書本傳

元羅字仲綱繼次子以儉素著稱雖父兄貴盛而虛已謙退

恂恂接物遷平東將軍青州刺史羅望傾四海於時才名之

士王元景邢子才李獎等咸為其賓客從遊青土見魏書京兆王黎傳

元匡字建扶洛侯子襲封廣平王性耿介有氣節除平州刺

史徙青州刺史尋為關右都督遇疾還京孝昌初卒諡曰文

益都縣圖志卷十五 官師志一

十

貞見魏書廣平王洛侯傳

元鑑字長文襲封安樂王為青州刺史孝昌元年齊州清河

民崔畜殺太守董遵廣川民傳堆執太守劉莽反鑑討平之

見魏書肅宗紀及安樂王長樂傳

元端字宣雅雍子美容貌頗涉書史起家散騎侍郎出為安

東將軍青州刺史孝莊初與父雍俱為爾朱榮所陷害見魏書高陽王雍傳

元邵字子訥少有氣節肅宗初起家宗正少卿又除使持節

假散騎常侍平東將軍青州刺史於時齊州民劉均房須等

扇動三齊肅衍遣彭城郡王辨等搔擾邊陲邵頻有防拒之

效見魏書彭城王紹傳

元世儁襲封高平侯除鎮東將軍青州刺史轉征東將軍加散騎常侍邢杲之亂圍逼州城世儁憑城拒守遂得保全孝莊時除衛將軍去

見魏書任城王雲傳

元欣字慶樂羽子為青州刺史孝昌中房士達鄉人劉蒼生劉鈞房須等作亂攻陷郡縣頻敗州軍時士達父憂在家欣欲逼其為將士達以禮固辭欣乃命其友人馮元興謂之曰今合境從逆賊徒轉熾若萬一陷州君家豈得獨全既急病如此安得顧名教也士達不得已而起率州郭之人二千餘

人東西討擊悉破平之

見魏書房法壽傳

李延實字禧性溫良少為太子舍人莊帝即位以元舅之尊

超授侍中太保改太傅尋轉司徒公出為使持節侍中太傅

益都縣圖志

卷十五 官師志一

士

錄尚書事青州刺史爾朱兆入洛乘輿幽繫以延實外戚見

害於州館

見魏書本傳

元貴平休子莊帝初除散騎常侍宗正少卿封東萊王加武

衛將軍兼侍中為河北山東慰勞大使前廢帝時以本官行

青州事屬土民崔祖螭作逆賊徒甚盛圍逼東陽一百餘日

貴平率城民固守又令將士開門交戰大軍救至遂擒祖螭

等斬之出帝時為青州刺史又加驃騎大將軍開府儀同三

司為幽州大都督侯淵所害

見魏書定安王休傳

爾朱弼字輔伯北秀容人前廢帝初為散騎常侍左衛將軍

封朝陽縣開國伯又除軍騎將軍左光祿大夫領左右改封

河間郡公尋為驃騎大將軍開府儀同三司青州刺史後為

其帳下都督馮紹隆所殺

見魏書爾朱彥伯傳

侯淵

孝靜帝紀及北史均作侯梁

代淵淵既失州任而懼行及廣川遂反夜襲青州南郭劫掠

郡縣夏四月丞相歡使濟州刺史蔡儁討之淵部下多叛欲

南奔於道為賣漿者所斬送首於鄴

見通鑑

封延之

字祖業渤海修人天平中驃騎大將軍青州刺史

慕容紹宗字紹宗容貌恢毅少言深沉有膽略累遷青州刺

史

見北史本傳

高浚字定樂渤海修人元象中封永安郡公累遷中書監兼

侍中出為青州刺史頗好畋獵聰明矜恕上下畏悅之

見北齊書

益都縣圖志

卷十五 官師志一

士

傳本

元悰字魏慶昂子襲封京兆王孝靜時累遷太尉錄尚書事

司州牧青州刺史興和四年冬十一月薨於州謚曰文悰寬

和有度美容貌風望儼然得喪之間不見於色性清儉不營

產業身死之日家無餘財

見魏書京兆王子推傳及孝靜帝紀

高岳字洪略渤海修人興和三年轉青州刺史開府儀同三

司故岳任權日久素為朝野畏服及出為藩百姓望風瞻懼

見北齊書

齊書本傳

盧文偉字休族范陽涿人興和中驃騎大將軍青州刺史文

偉性輕財愛賓客善於撫接好行小惠是以所在頗得人情

雖有受納吏民不甚苦之

見魏書盧元傳及北齊書本傳

尉景字士眞善無人性溫厚頗有俠氣授青州刺史武定五年徵爲大司馬遇疾薨於州贈太師尚書令見北齊書本傳及北史李靜帝紀

陸子彰字明遠本名士沈昕之子正光中襲爵東郡公武定中進號驃騎大將軍行冀州事除侍讀兼七兵尚書行青州事子彰之爲州以聚斂爲事晚節修改甚有時譽加以虛己納物人敬愛之見魏書陸侯傳

敬顯儁字孝英平陽人爲青州刺史見北齊書斛律金傳

格顯青州刺史見新唐書宰相世系表

唐輪宇文轉青州刺史見新唐書宰相世系表及雲門山功德銘

路濤青州刺史見新唐書宰相世系表

益都縣圖志卷十五 官師志一

三

辛季慶隴西狄道人青州刺史見隋書辛公義傳

右北魏青州刺史四十五人

封豆代人也皇始初爲使持節都督冀青二州諸軍事前將軍開府冀青二州刺史關內侯見魏書封勅文傳

奚和觀代人斤子太宗以其世典戎御遂拜典御都尉賜爵廣興子建威將軍尋進爲宣陽侯加龍驤將軍領牧官中郎將出爲冀青二州刺史見魏書奚斤傳

安同遼東胡人世祖卽位進爵高陽公拜光祿勳尋除征東

大將軍冀青二州刺史見魏書本傳

閻大肥蠕蠕人也太祖時與其弟大涅倍頤率宗族歸國太祖善之尙華陰公主賜爵其思子出除使持節冀青二州刺

史尋徵還位特進復出爲冀青二州刺史尋入爲內都大官見魏書本傳

韓均字天德安定武安人少而善射有將略初爲中散賜爵范陽子加甯朔將軍兄備卒無子均襲爵安定公征南大將軍出爲使持節散騎常侍本將軍定州刺史轉青冀二州刺史恤民廉謹甚有治稱見魏書韓茂傳

右北魏冀青二州刺史五人

司馬天助自云司馬德宗驃騎將軍元顯之子劉裕自立乃來歸闕除平東將軍青徐二州刺史後又拜青兗二州刺史見魏書本傳

右北魏青徐二州刺史一人

益都縣圖志卷十五 官師志一

四

李彥字次仲隴西狄道人高祖時轉青州廣陵王羽長史帶

齊郡太守見魏書李寶傳

李暉字景林趙郡平棘人正光中爲元羅平東府長史見魏書李暉傳

順傳敬和磐陽人豎眼子好酒薄行傾側勢家歷青州鎮遠長

史見魏書傳

徐季彥樂安博昌人爲青州長史見魏書徐紇傳

崔光韶清河東武城人肅宗初除青州治中遷青州平東府

長史光韶清直明斷民吏畏愛之見魏書崔亮傳

盧道約字季恭范陽涿人起家員外郎太傅李延實出除青州詔以道約爲延實長史加散騎常侍天平中開府儀同高

岳請爲長史岳轉除青冀二州道約仍爲長史隨岳雨藩有毗佐之稱見魏書

崔景茂青州長史見魏書

右北魏長史七人

崔景微字文獻道固子襲父爵臨淄子加甫朔將軍出爲青州廣陵王羽征東府司馬見魏書

崔孝芬字恭梓博陵安平人早有才識博學好文章高植除

青州刺史啟孝芬爲司馬見魏書

高市賓渤海人奉朝請冀州京兆王愉城局參軍愉構逆市

賓逃歸京後除青州安南府司馬見魏書

邢劭字子才河間鄭人十歲便能屬文雅有才思聰明強記

益都縣圖志卷十五 官師志一

日誦萬餘言少在洛陽會天下無事與時名勝專以山水游

宴爲娛尚書令元羅出鎮青州啟爲府司馬遂在青士終日

酣賞盡山水之致見北史

鹿愈字永吉濟陰人好兵書陰陽釋氏之學出爲青州彭城

王邵府長兼司馬尋解長兼廣川人劉鈞清河人房須反邵

遣愈監州軍討之戰於商山頗有所捷將統皆邵左右擅增

首級妄請賞帛愈面執不與邵弗從愈勃然作色曰竭志立

言爲王爲國豈愈家事不辭而出邵追而謝焉先是蕭衍遣

將彭羣王辯率眾七萬圍逼琅邪自春及秋官軍不至而雨

青士馬裁可萬餘師次郿城久而未進邵乃遣愈南青州刺

史胡平遣長史劉仁之並監勒諸將赴賊壘大破之斬羣首

倖賊二千餘級見魏書

李渾字季初趙郡平棘人北齊書作除給事中後以四方多

難求爲青州征東司馬時河北流移人聚青土眾踰二十萬

共劫河間邢杲爲主起自北海襲東陽青州刺史元世儁欲

謀誅之府人遂猜貳渾乃與長史崔光韶具陳禍福由是唾

血而盟上下還睦普泰中崔社客反於海岱攻圍青州詔渾

爲都官尚書東北道行臺赴援社客諸城各自保固渾以社

客賊之根本烏合易離若銜枚夜襲便可禽殄如社客就禽

諸郡可傳檄而定諸將尙遲疑渾乃決行果禽社客斬首送

洛陽海隅清定見北史

賈慶遠代人永安中龍驤將軍青州開府司馬見魏書

益都縣圖志卷十五 官師志一

崔愨字長謙休從子爲青州司馬賊圍城二百日長謙讀書

不廢凡手抄八千餘紙見北史

穆永延代人尙書騎兵郎青州征東司馬見魏書

右北魏青州司馬九人

劉元北海郡昌人襲爵都昌子拜員外郎襲威將軍青州別

駕見魏書

崔光伯光紹弟尙書郎青州別駕後以族弟休臨州遂申牒

求解從之尋除北海太守見魏書

賈思同字士明齊郡益都人少厲志行雅好經史釋褐彭城

王國侍郎五遷尙書考功郎青州別駕清河崔光韶先爲治

中自恃資地恥居其下閔思同還鄉遂便去職州里人物爲

思同恨之及光韶之亡遺誠子姪不聽求贈思同遂上表訟
光韶操業登時蒙贈諡論者歎尚焉見魏書賈思伯傳

右北魏青州別駕三人

房伯祖清河東武城人爲青州從事郎中見魏書房法壽傳

房翼伯祖子永安中青州太傅開府從事中郎見同上

盧筠范陽涿人青州治中見魏書盧同傳

右北魏青州治中三人

崔僧淵清河東武城人初爲青州中正尋出爲征東大將軍

廣陵王羽諮議參軍加顯武將軍討海戒於黃郭大破之見魏書崔元伯傳

谷頴昌黎人青州征東大將軍廣陵王羽田曹參軍見魏書谷渾傳

益都縣圖志卷十五 官師志一

房悅字季欣清河人解褐廣平王懷國常侍轉青州平東府

中兵參軍見魏書房亮傳

李象字孟則渤海修人清簡有風概博涉羣書初襲爵爲徐

州平東府功曹參軍尋轉中書侍郎出爲青州太傅開府諮

議參軍見魏書李叔虎傳

柳案河東解人武定末青州驃騎府中兵參軍見魏書柳崇傳

右北魏青州參軍五人

崔次恩青州主簿太和五年五月聚眾謀叛州軍擊之次恩

走郁州見魏書高祖帝紀

李處默隴西狄道人少清惠起家青州彭城王主簿見魏書李寶傳

奚剛河南洛陽人武定中青州開府主簿見魏書奚康生傳

右北魏青州主簿三人

高浚字定樂神武第三子也仕魏爲青州刺史及文宣代魏

仍刺青州天保元年進爵永安王八年來朝進言諫帝帝甚

不悅尋還州又上書切諫詔令徵浚浚懼禍謝疾不至上怒

馳驛收浚老幼泣送者數千人見北齊書本傳

高勣字敬德岳子襲封清河王後改封樂安王夙智早成爲

顯祖所愛年七歲遣侍皇太子後除青州刺史拜日顯祖戒

之曰叔父前牧青州甚有遺惠故遣汝慰彼黎庶宜好用心

無墜聲績勣流涕對曰臣以蒙幼濫叨拔擢雖竭庸短懼忝

先政帝曰汝既能有此言吾不慮也見北齊書高岳傳

斛律平朔州勅勒部人便弓馬有幹用仕魏濟州刺史侯景

益都縣圖志卷十五 官師志一

渡江詔平爲大都督率青州刺史敬顯儁左衛將軍庫狄伏

連等略定壽陽徇預三十餘城顯祖受禪別封羨陽侯皇建

初封定陽郡公拜護軍後爲青州刺史見北齊書斛律金傳

高淹字子選神武第四子也天保初進爵爲平陽王太甯元

年遷太宰河清元年以太宰爲青州刺史見北齊書本傳及世祖帝紀

高長恭一名孝瓘文襄第四子也封蘭陵王歷司州牧青瀛

二州長恭貌柔心壯首容兼美爲將躬勤細事每得甘美雖

一瓜數果必與將士共之見北齊書本傳

婁定遠代郡平城人少歷顯職外戚中偏爲武成愛狎別封

臨淮郡王天統五年二月詔出爲青州刺史見北齊書婁昭傳及通鑑又見

武平四年臨淮王象碑

高潛神武第十子也少明慧天保初封任城王武平初遷

丞相都督青州刺史潛頗牧大藩雖不潔已然寬恕爲吏人

所懷五年青州崔蔚波等夜襲州城潛部分舍卒之際咸得

齊整擊賊大破之拜左丞相轉瀛州刺史

見北齊書本傳

高紹信文襄第六子也封漁陽王歷特進開府中領軍護軍

青州刺史

見北齊書本傳

高貞字仁堅武成第五子也封北平王沉審寬恕帝常曰此

兒得我鳳毛位司州牧京畿大都督兼尚書令錄尚書事尋

後主窮蹙以貞爲青州刺史與後主死於長安

見北齊書本傳及淮南王

仁光

韓永興青州刺史

見北齊書韓鳳傳

益都縣圖志

卷十五 官師志一

高惠寶青州刺史

見通志

賈綏青州刺史

見新唐書宰相世系表

右北齊青州刺史十二人

解叔寶青州長史

見武平四年碑

右北齊青州長史一人

李元驥青州司馬

見武平四年碑

右北齊青州司馬一人

宇文幼鸞青州別駕

見武平四年碑

右北齊青州別駕一人

崔文惠青州治中

見武平四年碑

右北齊青州治中一人

孔安青州司法參軍

見新唐書宰相世系表

右北齊青州參軍一人

房彥調東武清河人明辨有學識爲益都縣令有惠政

見北齊書

法壽

右北齊益都令一人

尉遲勤羅代人少歷顯位大象末青州總管時楊堅當權將

圖篡奪勤從父迴爲相州總管遂謀舉兵勤率眾五萬自青

州赴迴後迴敗自殺勤亦被獲

見周書尉遲迴傳

右北周青州總管一人

章景略青州刺史

見新唐書宰相世系表

鄭敬德青州刺史

見同上

益都縣圖志

卷十五 官師志一

右北周青州刺史二人

燕榮字貴公華陰弘農人開皇三年遷青州總管榮在州選

絕有力者爲伍伯吏人過之者必加詰問輒楚撻之創多見

骨姦盜屏迹境內肅然他州人行經其界者畏若寇讐不敢

休息上甚善之

見隋書本傳及文帝紀

吐萬緒字長緒代郡鮮卑人在周起家撫軍將軍襲爵元壽

縣公高祖受禪拜襄州總管進封穀城郡公尋轉青州總管

頗有治名歲餘突厥寇邊朝廷以緒有威略徙爲朔州總管

甚爲北夷所憚

見隋書本傳

張威不知何許人也少倜儻有大志善騎射膂力過人注馬

數從征伐位至柱國京兆尹封長壽縣公高祖受禪歷幽洛

二州總管改封晉熙郡公尋拜河北道行臺僕射後督晉王軍府事數年拜青州總管賜錢八十萬米五百石雜綵三百段威在青州頗治產業遣家奴於民間竊蘆葭根其奴緣此侵擾百姓上深加譴責坐廢於家見隋書本傳

韋操字元節剛簡有風概仕周致位上開府光州刺史高祖為丞相以平尉遲迥功進位柱國封平桑郡公歷青荆二州總管卒官諡曰靜見隋書本傳

右隋青州總管四人

蕭瑒字大珍南蘭陵人南梁裔文帝時為千乘令明習憲章懋德著績故民篤信之邑有蛇為妖常掠犬豕於道為民患聞瑒至輒潛匿井中不復出後瑒擢青州刺史行二十里蛇復出百姓奔告瑒以衣冠付之曰若不即除吾當復來一日蛇方張吻伺人於道亟擲以衣冠蛇驚伏入井於是投衣冠於井中壘土石堙之而建祠於其上肖瑒之像曰信公祠蓋民慮患甚欲公示以信也歿於官見通鑑燕談錄

益都縣圖志

卷十五 官師志一

圭

萬姓統譜琅千乘縣尹明習憲章碩德著績有惠愛焉信在民立祠祀之諡曰信公

右隋青州刺史一人

闕榮青州太守

見博興龍華寺碑

右隋青州太守一人

邢祖俊青州長史

見仁壽元年舍利塋下銘

趙良青州總管府長史

見乾山造像記

右隋青州長史二人

鄭虔符皇泰末青州通守武德二年降唐見通鑑

右隋青州通守一人

李信則青州司馬見仁壽元年舍利塋下銘

右隋青州司馬一人

邱文安青州錄事參軍見仁壽元年舍利塋下銘

右隋青州錄事參軍一人

李佑青州司功參軍見仁壽元年舍利塋下銘

右隋青州司功參軍一人

益都縣圖志

卷十五 官師志一

圭

官師志二

鄭虔符隋青州通守武德二年三月以其地來降四月詔以爲青州總管見通鑑

劉仁軌汴州尉氏人也少恭謹好學遇隋末喪亂不迫專習

每行坐所在輒書空地由是博涉文史顯慶四年爲青州刺

史五年高宗征遼令仁軌監統水軍以後期坐免見舊書本傳

李鳳字秀成高祖第十五子也武德六年封國王貞觀十年

徙封虢王麟德初累授青州刺史上元元年薨諡曰莊見舊書本傳

寫味道垂拱元年正月守內史四月貶爲青州刺史見新書武后本紀

益都縣圖志 卷十六 官師志二

李元軌高祖第十四子也少多才藝高祖甚奇之武德六年

封蜀王八年徙封吳王十年改封霍王垂拱元年加位司徒

尋出爲襄州刺史轉青州刺史四年坐與越王貞連謀起兵

事覺徙居黔州仍令載以檻車行至陳倉而死見舊書本傳

尹思貞京兆長安人神龍初爲青州刺史治州有績至咸

四熟黜陟使路敬潛至部歎曰是非善政致祥乎表言之睿

宗立召授將作大匠封天水郡公思貞前後爲刺史十三部

其政皆以清最聞見新書本傳

韋安石京兆萬年人睿宗立授太子少保改封郾國復爲侍

中中書令進開府儀同三司遷尚書右僕射兼太子賓客同

三品俄罷政事留守東都下遷蒲州刺史徙青州開元二年三月貶去見新書本傳及通鑑

王昕開元三年青州刺史見齊乘

李少康太祖高皇帝五代孫也垂拱永昌以後七廟支庶不

絕若綫中興後乃筮仕七徙官至尚書祠部郎中潞州司馬

考績彰聞拔爲青州刺史於時海岱貢篚衣履天下俗尚夸

侈吏務豪奢少康以德禮示法度以誅賞禁淫怠宣明教化

飭行尊師使刺繡倚市者悉反耕織於是貪吝廉善者勸海

濱之俗變至鄒魯按察使戶部郎中宋遙以狀聞聖書褒異

遷於常州賜一子出身見文苑英華闕孤及撰神道碑

蕭嵩蘭陵人後梁裔貌偉秀美鬚髯神龍元年始調洺州參

軍開元初擢中書舍人恩宋州刺史遷尚書左丞十四年以

兵部尚書領朔方節度使徙河西節度使判涼州事封蘭陵

縣子授同中書門下三品十七年進兼中書令俄封徐國公

進太子太師開元二十七年幽州節度使張守珪坐賂中人

牛仙童得罪李林甫素忌嵩因言嵩嘗以城南墅遺仙童貶

青州刺史尋復拜太子太師見舊書元宗本紀及新書蕭瑀傳

牟道志天寶初青州刺史見寶刻叢編引復齋碑錄

許叔冀乾元元年八月由青州刺史兼滑州刺史充青滑六

州節度使見舊書肅宗本紀

尚衡乾元二年四月由徐州刺史爲青州刺史充青淄密登

萊沂海等州節度使見同上

殷仲卿上元二年青州刺史見新舊方鎮表

信都承慶貞元初青州刺史見元和姓纂

鄭庶青州刺史見宋景濂濟陽人物記鄭綺傳贊人

鄭溥青州刺史見陳齊之石內率府兵曹鄭準墓志銘

裴景叔青州刺史見新舊宰相世系表

辛元宗青州刺史同上

唐敏字秀卿青州刺史同上

鄭仁愷青州刺史同上

李璉青州刺史同上

竇誠盈青州刺史同上

皇甫翼字謀安青州刺史同上

益都縣圖志卷十六 官師志二

右唐青州刺史二十四人

李邕字泰和揚州江都人天寶初爲北海太守六載正月以

事連王曾柳勣遣使就殺之見兩唐書本傳及元宗本紀

李力牧天寶間北海太守見天寶十載龍興寺鐘銘

趙居貞定州鼓城人擢進士第北海太守見天寶十一載雲門山投龍壁詩碑

及新書趙冬曦傳

賀蘭進明北海太守安祿山反詔進明率精銳五千濟河爲

助時賊已陷河間信都天寶十五載進明用錄事參軍第五

琦計復收所陷見舊書元宗本紀及新書顏真卿第五琦傳

竇德藏北海太守見新舊宰相世系表

蕭顥北海太守見新舊宰相世系表

右唐北海太守六人

陸墀青州別駕新府志云見新舊宰相世系表

盧勤嘉青州別駕見新舊府志

右唐青州別駕二人

劉允濟字允濟洛州新志作河南人舉進士累除著作佐郎中

興之誤初坐與張易之款狎左授青州長史爲吏清白河

南道巡察使路敬潛甚稱薦之見兩唐書本傳

鄭山甫青州長史見天寶十載龍興寺鐘銘

李潤青州長史見同上又見投龍壁詩碑

楊幼玉青州長史見天寶十一載雲門山投龍壁詩碑

右唐青州長史四人

益都縣圖志卷十六 官師志二

段詵青州司馬見天寶十載龍興寺鐘銘又見投龍壁詩碑

王祚青州司馬見新舊宰相世系表

鄭楚期青州司馬見同上

右唐青州司馬三人

崔晏青州錄事參軍見天寶十載龍興寺鐘銘又見投龍壁詩碑

第五琦字禹珪京兆長安人少以吏幹進頗能言彊國富民

術天寶中爲須江丞太守賀蘭進明才之安祿山反進明徙

北海奏琦爲錄事參軍事時賊已陷河間信都進明懼不知所出琦

宗怒遣封刀趣之曰不亟進兵卽斬首進明懼不知所出琦

勸厚以財募勇士出賊不意如其計復收所陷見新舊宰相世系表

盧行嘉青州錄事參軍見新舊宰相世系表